


8-2

津田文庫
文庫 1
1521
55



50

55

60

65

龍威秘書八集

西河經義存醇

第二冊

春秋屬辭比事記

毛奇齡

龍威秘書八集

二

010190606436



西河合集

春秋屬辭比事記目



卷一

改元
生子
朝聘

即位
立君

卷二

盟會

卷三

盟會

僭位

卷四

侵伐
已後闕

西河合集

蕭山毛奇齡字大可稿

秋晴稿
文輝克有交
遠宗姬漢車

春秋屬辭比事記一

經解曰屬辭比事春秋教也夫辭何以屬謂夫史文
之散。憑者宜合屬也。事何以比。謂夫史官所載之事
畔亂參錯而當爲之比。以類也。此本夫子以前之春
秋。而夫子解之如此。是以夫子之春秋亦仍以四字
爲之解。漢儒謂屬合辭。令比次戰伐。則于作者之意

全無統繫而好事者自造為書例謂辭有褒譏事有功罪皆于書法乎例之書人書爵書名書日並有義例而較之全經而一往不合則于是重疑春秋而春秋不傳昔者孟子解春秋曰其事則事當比也曰其文則其辭當屬合也而在夫子以前晉韓起聘魯見魯史春秋即嘆曰周禮盡在魯矣則魯史記事全以周禮為表志而策書相傳謂之禮經凡其事其文一準乎禮而從而比之屬之雖前後所書偶有同異而義無不同並無書人書爵書名書日之瀆亂乎其間

而遍校之十二公二百四十二年之春秋而無往不合則真春秋矣向非屬辭亦安知其文之聯屬如是也書人亦例不書人亦例也書名書爵書日無一非例即不書名書爵書日亦無一非例也而于以比事則事之相似者而褒譏與功罪見焉即不相似者而褒譏功罪亦無往不見焉以禮為志而其事其文以次比屬而其義即行乎禮與事與文之中謂之四例亦謂之二十二志而總名之曰春秋屬辭比事記夫如是而夫子之春秋庶可見乎予傳春秋成已創發

四例而人或不信因復重闡之而分禮門部比屬其辭事之繫禮者而著之于篇

改元

周禮天子諸侯分國各紀其年以行于國中每遇國君新立則必改年以始之謂之改元

公隱元年

此魯隱公元年即周平王之四十九年也隱為惠公子魯史不載惠公死日但以禮推之則商禮踰月改元周禮踰年始改元此必惠公死于周平王

四十八年而隱于是改之者若史世家云惠公四十六年卒則此為惠公四十六年之明年然不敢據者傳稱惠公娶宋仲子為魯夫人而世家謂惠奪隱公之妻而自娶之生桓公則于隱年為過長桓年為過幼其于年月必有與春秋大不合者故寧略之耳

公桓元年

公莊元年

公閔元年

僖元年

文元年

僖以三十三年冬十二月薨則距此裁一月然終是踰年與商禮踰月不同

宣元年

成元年

襄元年

昭元年

定元年

定公以是年六月卽位是六月以前宜書昭三十三年經于春王三月卽書元年者商禮兩君共一年周禮不然以一年不可有二君也

哀元年

卽位

卽位有二商禮遭先君之喪卽于次月改元次月卽位而其禮已畢周禮不然凡遭喪時必先受命于殯行奠殯之禮故天子十日而殯卽十日卽位書康王之誥乙丑王崩越癸酉而入卽位凡十日

春秋傳卷一
是也。諸侯五日而殯，卽五日卽位。魯史昭公癸亥
喪歸至戊辰而入卽位，凡五日，是也。此遭喪卽位
禮也。至明年改元，則于朝正後仍鄭重而行卽位
之禮。而于是史書卽位于改元之後，此改元卽位
禮也。春秋十二公卽位皆從改元後書之，其有不
書者，必丁弑逆之後，但遭喪卽位而于改元時不
忍又行卽位禮，則不書。如莊閔僖三君皆無卽位
文者，以先君皆被弑故也。此周禮也。
隱元年春王正月

此不書卽位者，以攝位也。周禮天子諸侯有始娶
再娶之禮，始娶名元妃，始適夫人，再娶名又娶
夫人。若繼室則媵妾之當室者耳。蓋始娶無子，則
再娶。衛莊公始娶于齊曰莊姜，無子，則又娶于陳
曰厲嬀，及厲嬀生孝伯，早死，則又以厲嬀之姊戴
嬀所生子完立爲桓公。雖前此媵妾之子實長于
完，如州吁者而皆不得立，何則？以再娶者夫人也。
若始娶者或卑微，或不成禮，則亦可再娶。魯莊公
始娶孟任，已爲夫人矣，後以其卑微，且以築臺于

黨氏而私娶之不必成禮故又娶于齊曰哀姜及
哀姜無子則仍以孟任之子般立為適子雖哀姜
有姊叔姜已生閔公即前此媵妾之子成風又早
生僖公而皆不得立何則以始娶者夫人也此周
禮也今隱公為繼室聲子所生子而惠公再娶仲
子實為夫人則其立桓公為適而隱公居攝於禮
實然或曰此春秋之禮何以必知為周禮曰若非
周禮則莊姜知禮者豈甘以身在而令其再娶且
是時州吁已長不患無公子也又況子般之立成

季主之甚至酈叔牙蒞仲慶父手殺二兄而歷春
秋十二公二百四十二年而未嘗以為過何則禮
在故也故曰此周禮非春秋禮也

桓元年春王正月公即位

隱被弑桓不宜行即位禮然而桓諱弑逆名則故
行之行則史官必有書此史例也讀者當因書而
驗其惡此義也

莊元年春王正月

不書即位以先君被弑不忍行即位禮也

閔元年春王正月

上同

僖元年春王正月

上同

文元年春王正月公即位

文遭喪卽位在冬十二月至改元未一月而又卽位禮在故也且周禮諸侯五月而葬此時僖尚未葬也僖未葬而卽稱公以踰年改元當稱公耳諸傳謂未葬稱子既葬稱公此造為周禮者春秋不

然

宣元年春王正月公即位

東門襄仲殺適子惡與視而立宣公則亦承弑者而仍書卽位宣不以殺惡為弑故也此與桓行卽位禮同

成元年春王正月公即位

襄元年春王正月公即位

昭元年春王正月公即位

定元年夏六月癸亥公之喪至自乾侯戊辰公即位

定承昭喪逾六月非遭喪即位者然六月即位又非踰年改元即位者此以昭喪歸魯之日作遭喪之日故自癸亥喪歸至戊辰即位與奠殯受命禮同但祇行遭喪禮而改元即位全不及行非好反商禮也時為之也

哀元年春王正月公即位

生子

禮太子生必書然必初生時有接子之禮內則云國君世子接以太牢謂以太牢接夫人行饗后之

禮然後書策此周禮也

桓六年九月子同生

春秋生子禮惟此一書者以十二公皆非夫人所出獨文公哀姜以夫人生惡而是時未得行接子之禮即不書故此傳云以太子生之禮舉之接以太牢卜士負之士妻食之公與文姜宗婦命之因名同杜預所謂以其備用太子之禮故史書于策是也

立君

周有立儲禮傳每言之如立適以長立子以貴年
鈞以義義鈞以下類而經統不及然禮固有是也
隱四年冬十有二月衛人立晉

此經之紀立君者時衛州吁弑桓公石碯同國人
殺州吁且迎桓公之弟公子晉于邢而立之故有
此文與常時立君禮不同

朝聘

朝聘會盟在三禮並無明文惟傳有歲聘問朝與
再朝而會再會而盟語大率每年一聘三年一朝

六年一會十二年一盟與尚書周官六年會朝十
二年又會朝年數頗合若諸侯相朝禮則全無可
考傳謂諸侯五年再相朝則似過密李氏周官經
謂諸侯世相朝則又過疎若晉自定制謂三年一
聘五年一朝有事而會不協而盟則朝聘較疎而
盟會反密皆與周禮不必合且晉雖改制強齊魯
共遵而當時朝聘會盟其期與年數並不相準則
春秋禮也惟歲聘諸語是周禮他總非是也

朝

周朝僖二十八年夏公朝于王所

此朝襄王也春秋二百四十二年僅見僖公此朝然又赴晉文踐土之會而王來踐土故即于行在朝之曰朝于王所然則仍未朝京師矣

冬壬申公朝于王所

此又朝于河陽者然總在是年一時一事非再赴朝也

成十三年春三月公如京師

此成公朝簡王也成以赴晉文之召過周因而朝

之此何朝乎如之而已

晉朝成十有八年春公如晉

諸侯相朝禮大抵小國朝大國耳故大國君新立則小國朝新君小國君新立則新君朝大國時晉悼新立成公以朝新君如晉其不書朝而書如者史例也夫以齊桓之伯莊僖每如齊而未嘗一朝以齊晉魯衛本敵國也至此則齊魯皆屬國矣故曰春秋自文宣以後多志晉惡非虛語也

襄三年春公如晉

此襄公以新立朝晉悼公也

八年春王正月公如晉

此朝晉聽晉頒屬國朝聘貢賦之數也

昭五年春公如晉

此昭以新立朝晉平公也前二年往朝以兼弔晉少姜而晉辭之故再往焉

十二年夏公如晉至河乃復

昭以晉昭公新立往朝而晉受莒愬怒而辭之

十三年冬公如晉至河乃復

晉以莒愬故執季孫意如公往朝請之仍不得入

十五年冬公如晉朝晉昭新立兼謝釋季孫也

二十一年公如晉至河乃復

晉頃公新立故往朝而晉又辭之

二十三年冬公如晉至河有疾乃復

晉以邾愬故執我行人公孫舍公往朝兼請而仍不得人因託疾以歸經書有疾者諱辱也

朝襄二十八年冬十有一月公如楚

楚與晉爭伯而宋公為向之盟以平之至是諸國

各朝晉楚以成其事經不書朝晉而獨書朝楚者以朝楚而楚康王卒公留楚送葬踰年不歸遂不能諱辱故也

來朝隱十一年春滕侯薛侯來朝

桓二年春王正月滕子來朝前稱侯此稱子為時王所降也

秋七月杞侯來朝

公穀以杞為紀而宋程氏胡氏皆遵之謂齊欲滅紀而紀侯求魯為之主故來朝則齊之謀紀始于五年齊侯鄭伯如紀之經而後至六年而公會紀

侯紀侯來朝經屢書之此時並無齊謀也公穀胡氏之誤全不顧經予傳中已屢及之茲傳所略者而偶檢其誤因復書此

六年冬紀侯來朝

七年夏穀伯綏來朝鄧侯吾離來朝

穀鄧皆近楚小國名綏與吾離則兩君名也諸侯來朝無書名者此以附庸例名之胡氏謂貶其朝桓則莊之鄭黎來朝蕭叔來朝為不可通矣九年冬曹伯使其世子射姑來朝

十五年夏四月邾人牟人高人來朝

經例諸侯之卿稱名大夫稱人附庸之君與諸侯卿等可稱名則附庸之卿當稱人此必遣卿來朝耳

莊五年秋邾黎來來朝邾國黎名

二十三年夏蕭叔朝公蕭國叔字小國例可字可各

不書來朝而書朝公以公在齊而叔就朝之故也

二十七年冬杞伯來朝

僖五年春杞伯姬來朝其子帥其子來朝也

七年夏小邾子來朝即邾黎來也初封小邾子故修新君來朝禮

十四年夏六月季姬及鄆子遇于防使鄆子來朝使夫來朝也

夫來朝也

二十年夏郟子來朝

二十七年春杞子來朝前稱伯此稱子為時王所降也

文十一年秋曹伯來朝

十二年春杞伯來朝又為時王所進也

秋滕子來朝

十五年夏曹伯來朝

春秋左傳卷之二十一

宣元年秋邾子來朝

成四年三月杞伯來朝

六年夏六月邾子來朝

七年夏五月曹伯來朝

十八年秋杞伯來朝

八月邾子來朝

襄元年秋邾子來朝

六年秋滕子來朝

七年春邾子來朝

夏小邾子來朝

二十二年冬曹伯來朝

二十八年夏邾子來朝

昭三年秋小邾子來朝

十七年春小邾子來朝

秋邾子來朝

定十五年春邾子來朝

哀二年夏四月滕子來朝

聘

春秋左傳卷之二十一

十四

聘僖三十年冬公子遂如京師遂如晉時襄王來聘而我報之

文元年夏叔孫得臣如京師襄王錫文公命故報之

宣九年夏仲孫蔑如京師定王來召聘始應之

襄二十四年冬叔孫豹如京師靈王新城王城魯往聘且賀城焉

齊僖七年秋公子友如齊聘齊桓公

十三年冬公子友如齊聘齊桓公

二十八年秋公子遂如齊齊昭公新立

文元年冬公孫敖如齊

十八年秋公子遂叔孫得臣如齊齊惠公新立

時我文公薨而齊惠以新立來會葬故兩卿並行一聘新君一謝會葬也

宣十年秋季孫行父如齊齊頃公新立

成十一年秋叔孫僑如齊齊靈公新立

襄二十年秋叔老如齊齊莊公新立

叔老宣公母弟叔肸之孫叔氏而老名者周禮使聘用上卿此以宣弟大宗之後世為宗卿而行使者猶桓弟季友為季氏僖弟仲遂為仲氏此以宣弟叔肸為叔氏也

昭九年秋仲孫羯如齊殷聘也

聘僖三十六年冬公子遂如京師遂如晉聘晉文公

文五年夏公孫敖如晉聘晉襄公

六年秋季孫行父如晉

宣十八年秋公孫歸父如晉聘晉景公并謀去三桓也

成六年夏公孫嬰齊如晉

冬季孫行父如晉

十一年夏季孫行父如晉報聘

襄二十四年春叔孫弱如晉報聘

二十九年冬仲孫羯如晉報聘

昭二年夏叔弓如晉報聘

叔弓叔老之子

八年夏叔弓如晉

定六年夏季孫斯仲孫何忌如晉二卿並行一獻鄭倅一報聘也

聘列國莊二十五年冬公子友如陳報聘

僖五年夏公孫茲如牟

公孫茲者即叔孫戴伯叔牙之子也因自娶牟國女故假聘以往焉

文六年夏季孫行父如陳

十一年秋公子遂如宋

成五年春仲孫蔑如宋

成八年春公孫嬰齊如莒

襄二年秋叔孫豹如宋

六年冬叔孫豹如邾

七年季孫宿如衛

二十年冬季孫宿如宋

昭六年冬叔弓如楚

二十五年春叔孫舍如宋

周來聘 隱七年冬天王使凡伯來聘

九年春天王使南季來聘

周禮天子有下聘諸國之禮此與上凡伯來聘皆

桓王聘我者其凡伯稱爵南季稱字且或稱名以

王國卿以上出使稱爵大夫稱字士稱名不同

桓四年夏天王使宰渠伯糾來聘

宰其官渠其氏伯糾其名書例之不拘如此

五年夏天王使仍叔之子來聘

天子大夫稱字故仍氏叔字之子者子代父行也

八年春天王使家父來聘家氏父字

莊二十三年春祭叔來聘

祭邑叔字天子內臣也其不言天子使者史略文
有此如王人子突救衛類

僖三十年冬天王使宰周公來聘

此宰太宰本食邑于周而為三公者故稱爵不名

宣十年秋天王使王季子來聘

王季子王之季子即劉康公也

齊來聘隱七年夏齊侯使其弟年來聘

此齊僖公使聘也年者僖之母弟為僖父齊莊公
之大宗此亦宗卿使聘者而不書氏以初立莊族

此時未有氏也且史側有單書其名者不惟不稱
氏并不稱公子書法如此

僖三十三年春齊侯使國歸父來聘報聘也國氏歸父名

宣十年冬齊侯使國佐來聘

襄二十有七年春齊侯使慶封來聘齊景公新立

晉來聘成三年冬十二月晉侯使荀庚來聘

晉景公恐魯貳楚故來聘且尋盟焉見盟部

八年冬晉侯使士燮來聘謀伐也

十一年春晉侯使卻犇來聘

十八年夏晉侯使士匄來聘晉悼公新立謝魯朝也

禮國君新立小國朝之大國聘焉

襄元年冬晉侯使荀偃來聘

八年冬晉侯使士匄來聘報朝也

十二年夏晉侯使士魴來聘

二十六年夏晉侯使荀吳來聘晉平召襄公也

二十九年夏晉侯使士鞅來聘

昭二年春晉侯使韓起來聘魯昭公新立

二十一年夏晉侯使士鞅來聘晉頃公新立

列國莊二十三年荆人來聘

人者大夫也

二十五年春陳侯使女叔來聘女氏叔字

卿可字可名

文四年秋衛侯使甯俞來聘

九年冬楚子使椒來聘

子越椒不稱氏書例有此

十二年秋秦伯使術來聘

術即西乞術亦不書氏

成三年冬十有二月衛侯使孫良夫來聘

四年春宋公使華元來聘宋共公新立

襄元年冬衛侯使公孫剽來聘

五年夏鄭伯使公子發來聘鄭僖公新立

七年冬十月衛侯使孫林父來聘

十五年春宋公使向戌來聘報聘

二十九年夏吳子使札來聘

吳季札也不書氏

三十年春楚子使薳罷來聘邾敖新立

昭十二年夏宋公使華定來聘宋元公新立

歸賑

定十四年秋天王使石尚來歸賑石氏尚名

周禮大宗伯以賑膳親兄弟之國即歸賑也

錫命

周禮諸侯死王有錫命即追命也新君立王有錫

命即錫瑞之命也此周莊王錫桓公命是追命戮

王錫文公命簡王錫成公命俱是瑞命不同

莊元年冬王使榮叔來錫桓公命榮氏叔字

天王失天字史闕文也

文元年夏天王使毛伯來錫公命毛國伯爵

成八年秋七月天子使召伯來錫公命召國伯爵

天王稱天子史變文也

西河合集

蕭山毛奇齡字晚晴稿又名姓和

文種克有較遠宗姬潢車

春秋屬辭比事記二

會盟

會盟禮見朝聘門第分合不同必設多部以析之

舊例有殊會兼會殊盟特盟參盟諸名以皆非經

文所有故不立部按經文所有惟來盟蒞盟同盟

不盟類可依部名其兼會一部雖經文所有如

會盟會成會伐會救會次會戰會城會葬類
然各有本部其所重在本部之侵伐戰救而不在
此一會則仍歸本部為至當矣若遇與胥命與平
與成則皆盟會之別名雖儀有增減而禮無同異
故平成多在戰伐之後而仍隸盟會門與會盟會
伐諸兼會禮不同

會

隱二年春公會戎於潛戎徐戎也

古夷狄雜處中國如西南之獠獠然自秦始盡毆

之塞外而築長城以截之夫然後中國夷狄永有
分別其在秦郡縣之外凡漢武所開之土未經毆
逐者則諸夷尚存今之西南獠獠所稱土官土民
皆是也春秋開卷即與戎盟此亦不得已而以與
國禮相待故然胡氏誤以楚為夷狄而攘之夫蠻
夷猶夏所在都有徒攘荆楚無為也况荆楚本先
王所封國實五等諸侯非夷狄也魯詩曰戎狄是
膺荆舒是懲戎狄指淮夷徐戎非荆舒也

九年冬公會齊侯于防

十年春王正月公會齊侯鄭伯于中邳

二會俱奉桓公命討宋殤公也

十一年夏公會鄭伯于時來謀伐許也

桓元年春三月公會鄭伯于垂謀易許田也

二年秋蔡侯鄭伯會于鄧

三年春正月公會齊侯于贏齊僖公

春王失王字闕文

六月公會杞侯于郕

六年夏四月公會紀侯于郕謀齊也

十年秋公會衛侯于桃邳弗遇

齊鄭邀衛師伐魯魯求成于衛而衛絕之

十一年秋公會宋公于夫鐘

冬十有二月公會宋公于闕

十二年秋公會宋公于虛

冬十有一月公會宋公于龜

已上四會宋策書未詳說見毛氏傳中

十四春正月公會鄭伯于曹

春王失王字闕文後倣此

十五年夏公會齊侯于艾齊襄公

十六年春正月公會宋公蔡侯衛侯于曹謀代鄭也

十八年春王正月公會齊侯于濼公與夫人姜氏遂

如齊齊侯襄公夫人姜氏也

莊二年冬十有二月夫人姜氏會齊侯于禚

七年春夫人姜氏會齊侯于防

冬夫人姜氏會齊侯于穀

十三年春齊侯宋人陳人蔡人邾人會于北杏

此齊桓始會平宋亂也桓親至會而列國以大夫

至故齊稱侯而列國稱人

十四年冬單伯會齊侯宋公衛侯鄭伯于鄆單伯周大夫

齊桓假王命伐宋宋服故有此會後同

十五年齊侯宋公陳侯鄭伯會于鄆

二十七年春公會杞伯姬于洮

杞成公夫人莊公之女以事見公而未及歸寧之

期故不入國而會公于境禮也

冬公會齊侯于城濮

周惠王新立遇王子頹之亂衛師與燕師助之伐

王而齊桓不能正討至王請伐衛然後會城濮以謀之伯主之無道如此

僖元年八月公會齊侯宋公鄭伯曹伯邾人于榿

三年秋齊侯宋公江人黃人會于陽穀齊桓謀秦伐楚也

五年夏公及齊侯宋公陳侯衛侯鄭伯許男曹伯會

王世子于首止

此王世子即襄王也惠王將廢王世子而立王子帶故會之以定其位

九年夏公會宰周公齊侯宋子衛侯鄭伯許男曹伯

于葵邱定王位也

十一年夏公及夫人姜氏會齊侯于陽穀

此禧公夫人會齊桓也策書未詳其事

十三年夏公會齊侯宋公陳侯衛侯鄭伯許男曹伯

于鹹以淮夷病齒紀故也

十六年冬十有二月公會齊侯宋公陳侯衛侯鄭伯

許男邢侯曹伯于淮謀保節日東略也

十七年秋夫人姜氏會齊侯于卞

齊桓以僖公滅項之故乘其會淮而執之不令歸

僖夫人本桓女會而請之然後公得至自會推此則前此陽穀之會亦必有他故而史亡之矣

二十八年冬公會晉侯齊侯宋公蔡侯鄭伯陳子莒子邾子秦人于温

此晉文與伯討不服也秦人者秦大夫也

文元年秋公孫敖會晉侯于戚

十一年夏叔仲彭生會晉卻缺于承筐晉靈謀諸侯之從楚者

十三年冬公如晉衛侯會公于脊請平于晉也

十有二月公還自晉鄭伯會公于棊請平于晉也

十七年六月諸侯會于扈晉平宋亂無功

宣元年公會齊侯于平州

東門襄仲請于齊以立宣公故會齊固其位也

七年冬公會晉侯宋公衛侯鄭伯曹伯于黑壤

九年秋晉侯宋公衛侯鄭伯曹伯會于扈

十一年秋晉侯會秋于攢函

晉景成于狄而狄服之因就狄與會焉

十四年公孫歸父會齊侯于穀

十五年春公孫歸父會楚子于宋楚子圍宋而我往會之

秋仲孫蔑會齊高固于無婁

成二年冬十有一月公會楚公子嬰齊于蜀

五年夏叔孫僑如會荀首于穀

荀首如齊逆女而僑如往會申饋禮也

十二年夏公會晉侯衛侯于瑣澤

十五年冬十有一月叔孫僑如會晉士燮齊高無咎

宋華元衛孫林父鄭公子鮪邾人會吳于鍾離始通吳也

十六年秋公會晉侯齊侯衛侯宋華元邾人于沙隨

不見公

晉召師于魯以伐鄭因公遲至遂怒而絕之例大

夫稱人若邾鄆小國則皆卿而降一等比大國之

大夫故亦稱人他倣此

襄元年秋七月仲孫蔑會晉荀營宋華元衛孫林父

曹人邾人于戚為晉謀伐鄭也

五年夏仲孫蔑衛孫林父會吳于善道晉使往會也

秋公會晉侯宋公陳侯衛侯鄭伯曹伯莒子邾子滕

子薛伯齊世子光吳人鄆人于戚

此晉與吳會也時吳以大夫至故稱人

七年冬十有二月公會晉侯宋公陳侯衛侯曹伯莒子邾子于鄆

八年夏季孫宿會晉侯鄭伯齊人宋人衛人邾人于

邢邴此晉定朝聘之數預諸侯也

十年春公會晉侯宋公衛侯曹伯莒子邾子滕子薛

伯杞伯小邾子齊世子光會吳于柤謀病楚也後同

十四年春王正月季孫宿叔老會晉上句齊人宋人

衛人鄭公孫萬曹人莒人邾人滕人薛人杞人小邾人會吳于向

冬季孫宿會晉士句宋華閱衛孫林父鄭公孫萬莒人邾人于戚

十九年叔孫豹會晉士句于柯

二十一年公會晉侯齊侯宋公衛侯鄭伯曹伯莒子

邾子于商任為晉錮欒氏也

二十二年冬公會晉侯齊侯宋公衛侯鄭伯曹伯莒

子邾子薛伯杞伯小邾子于沙隨復錮欒氏也

二十四年秋公會晉侯宋公衛侯鄭伯曹伯莒子邾

子滕子薛伯小邾子于夷儀晉謀伐齊也

三十五年夏公會晉侯宋公衛侯鄭伯曹伯莒子邾

子滕子薛伯小邾子于夷儀復謀伐齊也

晉悼行伯動輒召十三國諸侯大夫日夕奔命而

晉平效之諸國荼毒已極矣此會盟將變之候也

二十六年夏公會晉人鄭良霄宋人曹人于澶淵

二十七年夏叔孫豹會晉趙武楚屈建蔡公孫歸生

衛石惡陳孔奐鄭良霄許人曹人于宋

也此宋向戌合諸國大夫調和晉楚以息兵爭之會也

昭元年春叔孫豹會晉趙武楚公子圍齊國弱宋向

戌衛齊惡陳公子招蔡公孫歸生鄭罕虎許人曹人

于虎尋宋之會也

四年夏楚子蔡侯陳侯鄭伯許男徐子滕子頓子胡

子沈子小邾子宋世子佐淮夷會于申

楚靈王篡弒後思固位也

九年春叔弓會楚子于陳

十一年秋季孫意如會晉韓起齊國弱宋華亥衛北

宮佻鄭罕虎曹人杞人于厥憖謀救蔡不得也

十三年秋公會劉子晉侯齊侯宋公衛侯鄭伯曹伯

莒子邾子滕子薛伯杞伯小邾子于平邱

晉成虜祁宮諸侯朝而歸者多二心乃用叔向謀

召會諸侯而假兵力以脅之

二十五年夏叔詣會晉趙鞅宋樂大心衛北宮喜鄭

游吉曹人邾人滕人薛人小邾人于黃父

二十七年秋晉士鞅宋欒祁犁衛北宮喜曹人邾人

滕人會于扈會成周且謀

三十一年春季孫意如會晉荀躒于適厯謀約昭公也

定八年公會晉師于瓦齊伐我而晉來救故迎會之

十年夏公會齊侯于夾谷

冬齊侯衛侯鄭游速會于安甫

十四年公會齊侯衛侯于牽謀救范中行氏也

秋齊侯宋公會于洮同上

邾子來會公

因蒐比蒲而會于蒐所故稱會以不行朝禮也

哀六年夏叔還會吳于相吳召會也

七年夏公會吳于郟

看聲

十二年夏公會吳

秋公會衛侯宋皇

十三年夏公會晉

或稱吳或稱吳

吳子及楚人戰

盟

隱元年三月公及

凡會盟侵伐不

也。即或但書及

則以附庸君

九月及宋人盟

二年秋八月庚

月日有書有

冬紀子伯莒子明

三年冬十有二月

此似謀紀而後

八年秋七月庚午

九月辛卯公及莒

春秋

桓元年夏四月丁未公及鄭伯盟于越易許川也

二年秋公及戎盟于唐

十有一年春正月齊人衛人鄭人盟于惡曹

三國伐我後重為此盟

莊九年春公及齊大夫盟于斂此迎公子糾者

十九年秋公子結媵陳人之婦于鄆遂及齊公宋公

盟

齊宋謀伐魯公子結以使媵聞而專盟故特書之

二十二年秋二月丙申及齊高後盟于防齊桓修好于魯也

閔元年秋八月公及齊侯盟于落姑

僖二年秋九月齊侯宋公江人黃人盟于貫

八年秋八月諸侯盟于首邱

此齊桓以王世子會諸侯而重為此盟者然不及

王世子者以諸侯不敢與世子盟也按周禮天子

十二年巡狩與諸侯盟于方岳之下則天子尚盟

何況世子但周禮今時已亡漢儒皆依文立說並

鮮考據如此必王世子原不與盟故不書及非謂

王世子不可盟也

九年秋九月戊辰諸侯盟于葵邱

十九年夏六月宋公曹人邾人盟于曹南宋襄公思起伯也

二十年秋齊人狄人盟于邢謀衛也

二十一年春宋人齊人楚人盟于鹿上

三十二年秋衛人及狄盟狄請平也

文二年三月己巳及晉處父盟

晉襄初立以魯不朝來討公如晉晉使陽處父盟公以耻之處父不書字史例如此

三年冬十有二月己巳公及晉侯盟改盟也

十年秋及蘇子盟于女粟蘇子工官也時頃丁新立

十三年十有二月己丑公及晉侯盟

十五年冬十有一月諸侯盟于扈

此晉宋會八國謀伐齊者其不書諸國名者以公不與會不能通也

十六年夏六月戊辰公子遂及齊侯盟于鄆邱

十七年夏六月癸未公及齊侯盟于穀齊侯親伐我也

宣十一年夏楚子陳侯鄭伯盟于辰陵

成元年夏楚子陳侯鄭伯盟于赤棘謀齊難也

二年秋七月齊侯使國佐如師已酉及國佐盟于哀
婁

時鞏之戰魯大夫帥師同晉衛曹三國大夫與齊
侯戰齊敗而行成故與盟焉

十有一月丙申公及楚人秦人宋人陳人衛人鄭人
齊人曹人邾人薛人鄆人盟于蜀時楚侵魯故
盟蜀以平之

三年冬十二月丙午及荀庚盟丁未及孫良夫盟

此晉衛二卿來聘而與之盟者恐二楚也

十一年三月己丑及邠雙盟此亦來聘
與盟者

十六年十有二月乙丑季孫行父及晉郤雙盟于扈

襄三年夏四月壬戌公及晉侯盟于長檮

七年冬十月壬戌及孫林父盟此亦來聘
與盟者

十五年春二月己亥及向戌盟于劉

此亦宋來聘而與盟者然他皆不地而此書地以
他盟于國而此獨盟于城外邑也

十九年春王正月諸侯盟于祝柯

此我與晉同圍齊之諸侯也

二十七年秋七月辛巳豹及諸侯之大夫盟于宋此
平

晉楚爭也

定元年冬仲孫何忌及邾子盟于拔

四年五月公及諸侯盟于皐鼬

晉定借王人及諸國之師會召陵侵楚而重為是

盟與僖八年諸侯會首止九年諸侯會葵邱例同

七年秋齊侯鄭伯盟于鹹

齊侯衛侯盟于沙

晉伯衰諸侯自相盟如此

年冬衛侯鄭伯盟于曲濮

辰二年春王二月癸巳叔孫州仇仲孫何忌及邾子

盟于句繹

同盟

同盟者眾共為之。雖一國為政而為眾國所共成。則曰同。穀梁謂同者眾所同欲而為釋例者。遵之則同盟。雞澤顯有齊侯不欲盟而盟于彤水之外。即晉欲媚吳。遣荀會迎吳子于淮上。而吳子仍不來。至平邱同盟。則諸侯皆貳晉。晉用叔向謀。大出兵力。脅王官并十三國諸侯。而強使之盟。然且有

我公之不與盟者何同欲也若左氏曰同尊周室則凡同盟者皆晉挾諸國以與楚爭諸小國並未嘗尊周也三傳皆不知此事而以臆釋經誤矣

宣二十二年冬晉人衛人曹人同盟于清邱晉要

宋服也

成七年八月戊辰同盟于馬陵音與楚爭鄭也

十七年六月乙酉同盟于柯陵音伐鄭也

襄十一年秋七月己未同盟于亳城北音伐鄭也

已上無諸國諸侯字者承前文也

二十五年秋八月己巳諸侯同盟于重邱音伐齊也

亦承前文後倣此

昭十三年八月甲戌同盟于平邱音脅諸侯服已也

西河合集

蕭山毛奇

令字秋晴
齒又名姓稿

文輝克有
較遠宗姬

春秋屬辭比事記三

會盟會而後
盟也

隱六年夏五月辛酉公會齊侯盟于艾

桓十二年夏六月壬寅公會紀侯莒子盟于曲池

秋七月丁亥公會宋公燕人盟于穀邱

冬十一月丙戌公會鄭伯盟于武父

七年春正月公會齊侯紀侯盟于黃

齊將謀紀而魯成之

二月丙午公會邾儀父盟于雒

莊十三年冬公會齊侯盟于柯盟齊桓也

二十三年十有二月甲寅公會齊侯盟于扈

僖七年秋七月公會齊侯宋公陳世子欵鄭世子華

盟于甯母

八年春王正月公會王人齊侯宋公衛侯許男曹伯

陳世子欵盟于洮

齊桓定襄王位也

十五年二月公會齊侯宋公陳侯鄭伯許男曹伯盟

于牡邱楚伐徐而謀救之

十九年夏四月鄆子會盟于邾

宋襄思起伯召曹伯邾子會于曹南而曹伯邾子

皆不至但使大夫赴會經書宋公曹人邾人盟于

曹南是也是時急召鄆子鄆子迫宋襄及邾而不

及會矣宋襄乃使邾子殺鄆子作犧牲祭祀而然

後伐曹故此變書會盟言來赴會與盟而不知盟

而後會抑會而後盟也此志宋惡也

冬會陳人蔡人楚人鄭人盟于齊

此僖公與諸國召楚子以謀伐宋也鄆子魯堵故魯先之然亦宋襄無道故諸國合謀如此

二十一年十有二月癸丑公會諸侯盟于薄釋宋公

時楚以諸侯之師伐宋執宋襄而後為會以釋之

二十五年冬十有二月癸亥公會衛子莒慶盟于洮

衛成爲我平莒也

二十六年春王正月己未公會莒子衛甯速盟于向

洮盟也

二十七年十有二月甲戌公會諸侯盟于宋

楚會諸侯伐宋而公往會之

二十八年五月癸丑公會晉侯齊侯宋公蔡侯鄭伯

衛子莒子盟于踐土

此晉文奉襄王以會諸侯也

二十九年夏六月會王人晉人宋人齊人陳人蔡人

秦人盟于翟泉

此尋踐土盟且謀伐鄭也

文二年夏六月公孫敖會宋公陳侯鄭伯晉士穀盟于垂隴

晉襄以魯衛不朝新君來討公已如晉未還

二十九年夏六月會主人晉人宋人齊人陳人蔡人秦人盟于翟泉

此尋踐土盟且謀伐鄭也其所會皆卿大夫而我但書會字亦公會也史例如此

文二年夏六月公孫敖會宋公陳侯鄭伯晉士穀盟于垂隴

晉襄欲伐衛而諸國求成于晉故晉士穀受成焉

七年秋八月公會諸侯晉大夫盟于扈

此晉靈初立諸國共盟而晉趙盾受盟者其不書諸國名而統言諸侯以公後至未通名也

八年冬十月壬午公子遂會晉趙盾盟于衡雍

乙酉公子遂會雒戎盟于暴

以雒戎將伐魯也

十六年春季孫行父會齊侯于陽穀齊侯弗及盟魯請盟而齊不許也

三年六月陳侯使袁僑如會戊寅叔孫豹及諸侯之

大夫及陳袁僑盟

此晉為雞澤之會陳請入會而與之盟者

十六年二月公會晉侯宋公衛侯鄭伯曹伯莒子邾子薛伯杞伯小邾子于浹梁戊寅大夫盟

晉平新立與楚爭伯魯諸侯為盟獨齊侯不至晉令諸國大夫與齊使盟而齊使又逃歸于是大夫自為盟故變文如此

三十一年春王正月辛亥仲孫速會莒人盟于向

夏六月庚申公會晉侯齊侯宋公衛侯鄭伯曹伯莒

子邾子滕子薛伯杞伯小邾子盟于澶淵齊晉平也

昭十五年夏五月仲孫纁會邾子盟于禚禚祥

二十六年秋公會齊侯莒子邾子杞伯盟于鄆陵謀納昭公也

定十二年冬十月癸亥公會齊侯盟于黃結叛晉也

會同盟

莊十六年冬十有二月會齊侯宋公陳侯衛侯鄭伯

許男滑伯滕子同盟于幽齊楚爭服邾也

文十四年六月公會宋公陳侯衛侯鄭伯許男曹伯

晉趙盾癸酉同盟于新城晉靈公諸國也

宣十七年六月己未公會晉侯衛侯曹伯邾子同盟

于斷道晉景公諸國也

成五年十有二月己丑公會晉侯齊侯宋公衛侯鄭

伯曹伯邾子杞伯同盟于蟲牢晉服鄭也

九年春公會晉侯齊侯宋公衛侯鄭伯曹伯莒子杞

伯同盟于蒲晉與楚爭鄭也

十五年三月癸丑公會晉侯衛侯鄭伯曹伯宋世子

成齊國佐邾人同盟于戚

十八年十二月仲孫蔑會晉侯宋公衛侯邾子齊崔

杼同盟于虛晉悼與楚爭宋也

襄三年公會單子晉侯宋公衛侯鄭伯莒子邾子齊

世子光己未同盟于雞澤

九年冬公會晉侯宋公衛侯曹伯莒子邾子滕子薛

伯杞伯小邾子齊世子光伐鄭十有二月己亥同盟

于戲此晉悼捷伐之盟也

來盟

桓十四年夏鄭伯使其弟語來盟

公子例通名語者鄭弟名也此與齊侯使其弟年來聘同

閔二年冬齊高子來盟

齊桓定魯難也高侯稱子與前年稱季子來歸同
僖四年楚屈完來盟于師盟于召陵

此齊桓伐楚而楚來盟故云于師召陵師所退地

文十五年春三月宋司馬華孫來盟

宣七年春衛侯使孫良夫來盟

襄二十九年夏杞子來盟

涖盟

僖三年冬公子友如齊涖盟

尋齊桓陽穀之會也

文七年冬公孫敖如莒涖盟

昭七年春叔孫舍如齊涖盟

定十一年冬叔還如鄭涖盟

魯鄭俱叛晉也

乞盟

僖八年春鄭伯乞盟

齊桓舍泚服鄭也

逃盟

僖五年秋鄭伯逃歸不盟

齊桓盟首止而鄭叛歸也

不盟

昭十三年八月公不與盟晉平邱之盟受昔想而斥公也

遇草次相會之名

隱四年夏公及宋公遇于清

八年春宋公衛侯遇于垂

莊四年夏齊侯陳侯鄭伯遇于垂

二十三年夏公及齊侯遇于穀齊桓修好也

三十年冬公及齊侯遇于魯濟齊桓謀伐戎也

二十二年夏宋公齊侯遇于梁邱

僖十四年夏六月季姬及鄆子遇于防使鄆子來朝

公惡鄆子不朝留季姬歸寧而將絕之故姬遇鄆

子而使之來朝蓋鄆子魯婿也

胥命

相命也有約言而不歃血謂之相命

桓三年夏齊侯衛侯胥命于蒲

齊衛于隱八年曾為瓦屋之盟以平鄭此不知何

事策書未詳

平

平卽成也傳多稱成而經多稱平要其義則一耳

隱六年春鄭人來輸平

宣四年春王正月公及齊侯平莒及邾莒人不會公

伐莒取向

十五年夏五月宋人及楚人平

昭七年春王正月暨齊平

定十年春王正月及齊平

十一年冬及鄭平

成

桓二年三月公會齊侯陳侯鄭伯于稷以成宋亂

督弒君之亂

侵伐

軍禮為五禮之一而侵與伐又祇得軍禮之二然
而大槩可見者以潛師掠境與聲罪致討一陰一
陽行軍之大致不過如此舊謂春秋皆征伐之書
卽孟子亦曰征者上伐下也敵國不相征也則春
秋並無一征字凡侵六十伐二百有七其中圍襲
入戰取救諸部原與侵伐別見者各就其標目而

分著于篇

侵

莊十年春二月公侵宋

十五年秋鄭人侵宋

二十四年冬我侵曹

二十九年夏鄭人侵許

此策書不詳其事然鄭以許為與國而思以并之
竟與春秋相始終者此其一也

僖二年冬楚人侵鄭楚與齊爭鄭也

十二年春秋侵衛

十四年秋狄侵鄭

二十一年春秋侵衛

二十八年春晉侯侵曹

三十年夏狄侵齊狄介人侵蕭

三十二年夏衛人侵狄

三十三年夏狄侵齊

文四年夏狄侵齊

七年夏狄侵我西部

春秋書侵三十四而狄居十四然且侵宋伐鄭滅
衛滅邢卽以齊桓之攘夷而僖三十年齊伯衰而
遂侵之今忽來侵我書所稱蠻夷猶夏詩所稱戎
狄是膺者正指此等胡氏妄以楚營之而不知其
誤也秦楚吳越皆春秋五等之爵並非夷狄惟此
戎狄橫肆春秋屢書之此卽寓攘之意若胡氏謂
內中國外夷狄則以秦後之夷狄論春秋不通極
矣春秋遍中國皆夷狄焉能外耶
九年夏狄侵齊

十年冬狄侵宋
十一年秋狄侵齊
十三年冬狄侵衛
十五年秋齊人侵我西鄙
冬十有二月齊人侵我西鄙
宣元年秋楚子鄭人侵陳遂侵宋
二年夏晉人宋人衛人陳人侵鄭
三年夏楚人侵鄭
秋赤狄侵齊

四年夏赤狄侵齊

六年春晉趙盾衛孫免侵陳

成二年楚師鄭師侵衛

十八年冬楚人鄭人侵宋

襄二年夏晉師宋師衛甯殖侵鄭

十四年夏莒人侵我東鄙

定六年春公侵鄭奉晉令也

八年春王正月公侵齊皆執伐也二月公侵齊皆執伐也

會定四年三月公會劉子晉侯宋公蔡侯衛侯陳子

鄭伯許男滑伯莒子邾子頓子胡子孫伯杞伯

小邾子齊國夏于召陵侵楚

晉假王命伐楚而不敢伐即書侵而仍不侵陋之

也

追僖二十六年春齊人侵我西鄙公追齊師至鄆弗

及

執定七年秋齊人執衛行人北宮括以侵衛

此齊衛欲叛晉而衛大夫不從衛侯陰通齊侯使

執其使以侵之蓋思脅其諸大夫也

獲侵襄八年夏鄭人侵蔡獲蔡公子燹

師師宣元年冬晉趙穿帥師侵崇

侵無不帥師者特書例偶不同耳或曰帥師重侵事非也先仲氏謂成襄後史多書帥師前此皆不然此為得之

成六年春衛孫良夫帥師侵宋

秋仲孫蔑叔孫僑如帥師侵宋

衛與我皆受晉令以討宋並非重其事而書帥師者若二卿並書則凡我出師有然亦是史例蓋重

出師不是重此一師也

八年春晉欒書帥師侵蔡

十年春衛侯之弟黑背帥師侵鄭秦晉命也

十六年夏鄭公子喜帥師侵宋

十七年春衛北宮括帥師侵鄭晉命也

襄元年秋楚公子壬夫帥師侵宋

十一年夏鄭公孫舍之帥師侵宋

十二年冬楚公子貞帥師侵宋

二十四年春仲孫羯帥師侵齊晉命也

定八年秋晉士鞅帥師侵鄭遂侵衛

九月季孫斯仲孫何忌帥師侵衛晉命也

哀七年春宋皇瑗帥師侵鄭

晉魏曼多帥師侵衛

十年夏晉趙鞅帥師侵齊

十三年秋晉魏曼多帥師侵衛

帥師僖四年冬十有二月公孫茲帥師會齊人宋人

衛人鄭人許人曹人侵陳

帥師襄十九年秋晉士匄帥師侵齊至報聞齊侯

乃還

會侵僖四年春王正月公會齊侯宋公陳侯衛侯鄭伯許男曹伯侵蔡蔡潰遂伐楚次于陘此齊桓以諸侯之師伐楚也

同一帥侵而晉楚多爭強鄭宋多釋患魯衛在德文之間皆受命于齊宣成以後則皆受命于晉而文無異同者正所謂義以事起以禮斷而不在于書法句字間也

伐

隱二年十二月鄭人伐衛

四年夏宋公陳侯蔡人衛人伐鄭

五年秋邾人鄭人伐宋

七年秋公伐邾策書不合

桓八年秋伐邾

十六年宋人以齊人蔡人衛人陳人伐鄭

十七年秋及宋人衛人伐邾

莊十四年春齊人陳人曹人伐宋

十五年秋宋人齊人邾人伐鄭

十六年宋人齊人衛人伐鄭

秋荆伐鄭楚爭鄭之始

十九年冬齊人宋人陳人伐我西鄙

二十年冬齊人伐戎

二十六年春公伐戎

三十年齊人伐山戎

僖元年楚人伐鄭

三年楚人伐鄭與齊爭鄭也

四年秋及江人黃人伐陳

七年春齊人伐鄭

八年夏狄伐晉

十年夏齊侯許男伐北戎

十五年楚人伐徐

秋七月齊師曹師伐厲 冬宋人伐曹

十七年春齊人徐人伐英氏楚與國

十八年春王正月宋公曹伯衛人邾人伐齊宋襄公齊考公也

冬邢人狄人伐衛

十九年衛人伐邢

二十年楚人伐隨

二十一年冬公伐邾

二十二年夏宋公衛侯許男滕子伐鄭

二十三年楚人伐陳

二十四年夏狄伐鄭

二十六年夏齊人伐我北鄙 衛人伐齊

二十八年春晉侯伐衛晉文報怨也

三十三年狄伐齊 晉人陳人鄭人伐許

文元年晉侯伐衛 衛人伐晉 此晉伐衛而衛成報之

二年冬晉人宋人陳人鄭人伐秦

三年秦人伐晉

四年晉侯伐秦

七年春公伐邾 冬徐伐莒

十年夏秦伐晉

十一年春楚子伐麋

十四年春邾人伐我南鄙

十七年春晉人衛人陳人鄭人伐宋 齊侯伐我西

鄆

宣元年晉人宋人伐鄭 秦師伐晉

三年楚子伐陸渾之戎

四年冬楚子伐鄭

五年冬楚子伐鄭

八年晉師白狄伐秦 楚師伐陳

九年齊侯伐萊

十年六月宋師伐滕 晉人宋人衛人曹人伐鄭

楚子伐鄭

十三年齊師伐莒 夏楚子伐宋

十四年晉侯伐鄭

十五年秦人伐晉

十八年晉侯衛世子臧伐齊 公伐杞

成二年春齊侯伐我北鄙

三年晉卻克衛孫良夫伐廆咎如也赤狄也 冬鄭伐許

四年鄭伯伐許

七年吳伐鄭

九年秦人白狄伐晉

十五年楚子伐鄭

襄二年鄭師伐宋

八年莒人伐我東鄙

九年楚子伐鄭

十年晉師伐秦 秋莒人伐我東鄙

十一年楚子鄭伯伐宋 冬秦人伐晉

十五年邾人伐我南鄙

十六年齊侯伐我北鄙

十七年宋人伐陳 冬邾人伐我南鄙

十八年秋齊師伐我北鄙

二十三年齊侯伐衛遂伐晉

二十四年夏楚子伐吳 冬楚子蔡侯陳侯許男伐

鄭

二十六年冬楚子蔡侯陳侯伐鄭

昭四年秋七月楚子蔡侯陳侯許男頓子胡子沈子

淮夷伐吳

五年楚子蔡侯陳侯許男頓子沈子徐人越人伐吳

此合諸國師而不書會者以楚效晉作搜伐而不

曉會禮故略之此亦文例也

六年齊侯伐北燕

十二年楚子伐徐 晉伐鮮虞

十六年春齊侯伐徐

十九年春宋公伐邾

二十二年春齊侯伐莒

三十二年夏吳伐越

定二年秋楚人伐吳

哀元年秋齊侯衛侯伐晉

五年夏齊侯伐宋

六年吳伐陳

八年吳伐我

九年夏楚人伐陳

秋宋公伐鄭

十年宋人伐鄭

西河合集

蕭山毛奇齡

字大可高
又初晴稿
文輝克有較
遠宗姬潢較

春秋屬辭比事記

四

從王桓五年秋蔡人衛人陳人從王伐鄭

此桓王惡鄭莊以諸侯之師伐之而大國無至者
即小國以大夫行而君不親軍故經以從王發例
蓋深痛春秋之無王也是役王師敗績而不書諱
之也文也

帥師 莊二年夏公子慶父帥師伐于餘邱策書

僖三十三年秋公子遂帥師伐邾

文十四年叔孫彭生帥師伐邾

宣九年九月晉荀林父帥師伐陳

成三年鄭公子棄疾帥師伐許

六年楚公子嬰齊帥師伐鄭

七年楚公子嬰齊帥師伐鄭

九年晉欒書帥師伐鄭

十四年鄭公子喜帥師伐許

襄三年春楚公子嬰齊帥師伐吳 冬晉荀罃帥師伐許

五年楚公子貞帥師伐陳

八年楚公子貞帥師伐鄭

十年楚公子貞鄭公孫輒帥師伐宋

十四年楚子子貞帥師伐吳

十七年衛石買帥師伐曹

十八年楚公子午帥師伐鄭

十九年衛孫林父帥師伐齊

二十年仲孫連帥師伐邾

二十四年齊崔杼帥師伐莒

二十五年齊崔杼帥師伐我北鄙 冬鄭公孫夏帥師伐陳

昭六年楚遠罷帥師伐吳

十年秋七月季孫意如叔弓仲孫纘帥師伐莒

十五年晉荀吳帥師伐鮮虞

十九年秋齊高發帥師伐莒

定四年晉士鞅衛孔圉帥師伐鮮虞

七年齊國夏帥師伐我西鄙

八年齊國夏帥師伐我西鄙

十二年衛公孟彊帥師伐曹

十三年衛公孟彊帥師伐曹

十五年鄭罕達帥師伐宋

哀元年冬仲孫何忌帥師伐邾

三年宋樂髡帥師伐曹

五年晉趙鞅帥師伐衛

六年晉趙鞅帥師伐鮮虞 冬仲孫何忌帥師伐邾

宋向巢帥師伐曹

十一年齊國書帥師伐我

十二年宋向巢帥師伐鄭

十三年楚公子申帥師伐陳

會桓十五年冬十有一月公會宋公衛侯陳侯于袤

伐鄭

十六年夏四月公會宋公衛侯陳侯蔡侯伐鄭

莊二年春王正月溺會齊師伐衛

五年冬公會齊人宋人陳人蔡人伐衛

十四年夏單伯會伐宋

齊桓假王命也

二十六年秋公會宋人齊人伐徐

宣元年宋公陳侯衛侯曹伯會晉師于棗林伐鄭

七年夏公會齊侯伐萊

十一年公孫歸父會齊人伐莒

成三年春王正月公會晉侯宋公衛侯曹伯伐鄭

八年叔孫僑如會晉士燮齊人邾人伐鄭

十年公會晉侯齊侯宋公衛侯曹伯伐鄭

十三年夏五月公自京師遂會晉侯齊侯宋公衛侯

鄭伯曹伯邾人滕人伐秦

十六年公會尹子晉侯齊國佐邾人伐鄭晉假王命也

十七年夏公會尹子單子晉侯齊侯宋公衛侯曹伯

邾人伐鄭 冬公會單子晉侯宋公衛侯曹伯齊人

邾人伐鄭

襄九年公會晉侯宋公衛侯曹伯莒子邾子滕子薛

伯杞伯小邾子齊世子光伐鄭

十年公會晉侯宋公衛侯曹伯莒子邾子齊世子光

滕子薛伯杞伯小邾子伐鄭

十一年公會晉侯宋公衛侯曹伯齊世子光莒子邾

子滕子薛伯杞伯小邾子伐鄭

十二年公會晉侯宋公衛侯曹伯齊世子光莒子邾

子滕子薛伯杞伯小邾子伐鄭會于蕭魚

春秋會伐即孟子樓伐也樓伐之習雖起齊桓然

不過數國且偶再耳晉自襄靈後無歲不然且動

輒一十二國君必親至試問從王之師有是否也

十四年叔孫豹會晉荀偃齊人宋人衛北宮括鄭公

孫蔓曹人莒人邾人滕人薛人杞人小邾人伐秦

非命卿有名即稱人十三國伐秦是戍之也甚矣

十六年叔老會鄭伯晉荀偃衛甯殖宋人伐許

哀十年公會吳伐齊

十一年公會吳伐齊

伐隱四年春王二月莒人伐杞取牟婁

十年秋宋人蔡人衛人伐戴鄭伯伐取之敗其師而取其衆也

僖二十三年春公伐邾取須句

二十六年公以楚師伐齊取穀

三十三年公伐邾取訾婁

宣四年春公伐莒取向

伐桓十二年十有二月及鄭師伐宋丁未戰于宋

圍隱五年冬宋人伐鄭圍長葛

僖三十三年春齊侯伐宋圍緡

二十六年冬楚人伐宋圍緡

襄十二年春王二月莒人伐我東鄙圍台

十七年齊侯伐我北鄙圍桃

伐文十五年齊侯伐曹入其郭

成十八年夏楚子鄭伯伐宋魚石復八子彭城

伐莊九年夏公伐齊納牛齊公子糾也

伐隱七年戎伐凡伯于楚邱以歸

此非構伐徒剽略耳特書伐重王人也

伐僖三十三年宣十二年宋師伐陳衛人救陳

卒伐襄二十五年吳子遏伐楚門于巢卒

會師隱四年秋翬帥師會宋公陳侯蔡人衛人伐鄭

十年夏翬帥師會齊人鄭入伐宋

此魯齊鄭奉王命討宋而君不親軍但遣大夫帥

師故不書王命亦文例也

伐師宣十年公孫歸父帥師伐邾取繹

哀二年春王二月季孫斯叔孫州仇仲孫何忌帥師

伐邾取濼東田及沂西田

伐師襄十七年齊高厚帥師伐我北鄙圍防

伐師文十五年晉卻缺帥師伐蔡戊申入蔡

伐師文三年晉陽處父帥師伐楚以救江

宣九年楚子伐鄭晉卻缺帥師救鄭

哀十年楚公子結帥師伐陳吳救陳

帥師伐成九年楚公子嬰齊伐莒庚申莒潰楚人入

鄭

帥師伐 襄元年晉韓厥帥師伐鄭仲孫蔑會齊崔杼

會次 曹人邾人杞人次于郟

會伐 僖九年夏公會齊侯宋公陳侯衛侯曹伯伐鄭

圍 圍新城

會伐 文三年春王正月叔孫得臣會晉人宋人陳人

衛人 鄭人伐沈沈潰

會執 僖二十一年秋宋公楚子陳侯蔡侯鄭伯許男

曹伯會于孟執宋公以伐宋 合伐宋 襄也

伐會 莊二十八年荆伐鄭公會齊人宋人救鄭

文九年楚人伐鄭公子遂會晉人宋人衛人許人救

鄭

伐圍 襄十五年夏齊侯伐我北鄙圍成公救成至遇

伐戰 莊二十八年春王三月甲寅齊人伐衛衛人及

敗績 齊人戰衛人敗績

齊桓奉王命討衛而經不書不親軍也

會侵潰 僖四年公會齊侯宋公陳侯衛侯鄭伯許男

會次 曹伯侵蔡蔡潰遂伐楚次于陘

寬

隱元年夏五月鄭伯克段于鄆

克者勝也勝之已耳予之也此春秋專例也

入入而取其地與入而不取其地統名曰入

隱二年夏五月莒人入向 無駭帥師入極

五年衛師入郟郟國

十年秋宋人衛人入鄭 冬十月壬午齊人鄭人入

郟

十一年秋七月壬午公及齊侯鄭伯入許

此後俱闕

按屬辭比事記十卷在同門編輯時已亡其半今無可問矣諸門做成式尚可補綴然不敢誣罔闕之已耳若屬比切例一門則在本傳下細觀自具如惠公娶宋仲子與衛莊娶陳厲嬀比例惠公立桓公為嫡子與魯莊立子般為嫡子比例並鮮關軼且每傳下又有明註如隱二年無駭帥師入極與莊三年溺帥師伐鄭例同隱三年武氏子來求購與桓五年仍叔之子來聘例同類較之二十

三才圖會卷之四

一門部一槩比屬者迴別此在本傳已自瞭然何
敢再贅觀者諒之遠宗謹識

